

Batzar Orokorrak emandakoak eta urtarrileko ibilaldiak

2026 urteko lehenengo kronikan, batzar orokorraren inguruko xehetasunak eta azken hilabete honetan egin ditugun ibilaldien berri emanen dizuegu

Ohiturari jarraituz, urte hasieran egin ohi dugunez, iazko kontuen berri eman genuen urtarrilaren 20an, Larraintzarko bentan. Bentako areto nagusian bildu ginen berrogehitik gora lagun, aurreko urteetan baino zertxobait gehiago izan ginen. Oholtza gainetik, Mirenek, Gizarte Zerbitzuko teknikariak eta elkarte-ko lehendakariak, pantaila handia erabiliz, gaiak aurkeztu zizkiguten.

Lehenengo, 2025eko ekintzen errepaso laburra egin eta diru aldetik eragindako kontuak eman ziren. Kontuak, ekintzaz ekintza azaldu ziren, bakoitzean zenbat gastatu den eta nola ordaindu genituen azaldu zizkiguten.

Gaikako laburpena ere azaldu ziguten, eta bertan ikusten da zeregin sail bakoitzaren zenbateko diru sarrerak eta kostuak izan ditugun.

Azken lerroan, osotara zenbat sarrera eta gastu izan diren eta urteko emaitza ikus ditzakezue. Aurtengoa -5.529,75€ koa izan da, 2024koan gelditutakoak kontuan hartuta.

Hurrengo puntua 2026rako plana egitea zen eta horretarako, bertarututakoei haien proposamenak egiteko eskatu zitzaizen. Denon artean eztabaidatu ondoren, 2026rako egutegia betetzen hasi ginen. Lehenik eta behin, orain martxan dauden "arriketak" mantentzea eta indartzea adostu zen. Berriak ere entzun ziren, haiek landu beharko ditu aurrerantzean zuzendaritzak.

Bidaietan, Lisboa eta Grezia aukerak aztertzea eta Benidormekoa maiatzaren egitea adostu zen.

Zergatia	Sarrerak	Irteerak	Emaitza
Iazkoak	0,00 €	6.189,01 €	-6.189,01 €
Agentziak	519,00 €	59.127,20 €	-58.608,20 €
Autobusak	0,00 €	10.747,00 €	-10.747,00 €
Bulego materiala	0,00 €	1.224,45 €	-1.224,45 €
Elizetakoak	0,00 €	340,00 €	-340,00 €
Gidak	198,00 €	3.909,36 €	-3.711,36 €
Jatetxeak	0,00 €	29.714,93 €	-29.714,93 €
Kilometrajeak	0,00 €	1.078,60 €	-1.078,60 €
Komisioak	0,01 €	201,00 €	-200,99 €
Kuotak	6.080,00 €	202,99 €	5.877,01 €
Monitoreak	0,00 €	9.870,93 €	-9.870,93 €
Musika	0,00 €	600,00 €	-600,00 €
N.G. Laguntzak	6.334,45 €	0,00 €	6.334,45 €
Partaideak	112.059,00 €	5.779,00 €	106.280,00 €
Plakak	0,00 €	1.135,67 €	-1.135,67 €
Sariak	0,00 €	480,06 €	-480,06 €
Telefonia	0,00 €	120,01 €	-120,01 €
Guztira	125.190,46 €	130.720,21 €	-5.529,75 €



Igoa eta Arrarasko mendiak ezagutzen



Taldea handitzen ari da! ▲



Bi taldeak Igoako Etxezaharrearen atarian ▲

Txangoetan, hainbat aukera azaldu ziren, batzuk urterokoak, sagardotegia, Zarautz, Elizondo adibidez, eta beste batzuk orain dela bizpahiru urtekoak. Zaragozako Piedra monasterioa bisitatzera joateko ideia ere atera zen, nahiz egun bateko luzera izanen lukeen.

Festak, ohiturazkoak mantentzea adostu zen. Udaberrikoa, kalderete eguna, eta urte bukaerakoa, abenduan.

Azken gaia, zuzendaritzarena izan zen. Oraingoz batzordean nahikoa kide dauden arren, komenigarria

ikusten da pixkanaka berritzen hasitea. Dena den, ez zenez kide berririk agertu, zuzendaritza taldea dagoen bezala gelidtu da momentuz. Behin batzarra bukatuta, Ostatura pasa ginen, Mirarik prestatutako otamena dastatzera.

Bestalde, urtarrileko azken astean egin ziren hilabete honetako ibilbideak. Luzea, Igoatik hasitako mendibildia izan zen, bertako gidari Leonziorekin.

Beste paseoan, Aizaroztik hasita, Jauntsarats eta Gartzaron aldetik ibili ziren. Ibilbide zelaitzuagoa,

nahiz batzuei uste baino luzeago egin. Osotara 11 kilometro egin ziztuztela kontatu baitzuten.

Ondoren bi taldeak, Igoan bildu ziren argazkia atera eta bazkaria elkarrekin egiteko. Giro bikaina izaten da egun horietan eta nabari da taldeak geroz eta handiagoak direla. Bejondeigula!



Igoako ostatuan, bazkaltzeko prest! ▲



Hurrengo alean, alde batetik sagardotegirako txangoa kontatuko dizuegu, otsailaren 19an egingen duguna, bidenabar Etxalarko herria ikusiz, eta beste aldetik, herrietako ordezkariekin egingen dugun bilera ere aipatuko dugu. Bitartean osasuntsu egotea opa dizuegu.



Denok Bat
Jubilatu Elkartea